

Toogklaps van Meulenoare

Gustn: 'k En ik van de weeke mè mien mobieloom en me wuuf noa 't Fraansjche èwist en me zien doar e nachtsje bluuvn slaapn.

Staf: En, woa dadde ?

Gustn: 'k En 't ik ofèsjchreevn van e plakoat laanst de boane, ieër si : *Verglas Fréquent*.

Gustn: 'k En ik gistern en oaze èzieën.

Staf: En e j' em èsjchooëtn?

Gustn: Ba nin 'k, e was ie veels te kleeëne.

Staf: Voer op t' eetn ?

Gustn: Ba neeë gie, voe nem t' en.

Gustn: 'k En ik nie gèèrn dan die joenge gastn an 't ander ende van 'n toog kluchtsjes zitn te verteln oover de konsentroasjekampn, 'k en ik doar e noenkel dooëd.

Staf: Oeje, 'k wistn ik dat ook nieë..... Is 'n ie vergast?

Gustn: Neeën, en is ie mè ze zatte klooëtns uut e wachttooërn èvoln.

Gustn: 'k En ik de lastn tied ruuzje mè men andn die beevn.

Staf: Zoe 't kunn zien van e bitsje te veele te drienkn?

Gustn: 'k Peizn ik van nieë, want 'n èèft sturtn 'k ik.

Gustn: 'k En ik gistern e perses ekreegn van Fiel Kliete, de garde, voe deur 'n saansuuniek te rieën.

Staf: Woa dadde tè ?

Gustn: In de Koaverstroate, e stoeg bachtn e kamjonitte, en ieëld ie mien teegn en e zei: e j' gie da plakoat nie zieën stoan, tè ?

Staf: En toene ?

Gustn: 'k Zei 'n ik, ba jaa 'k, moa 'k adn ik joen nie zieën stoan.....

Meulenoare

Poweerie van oovertied

Frieda Moeneclaeey

Woa dan 'k ik zèève nie e kunn komn

Zendn 'k ik joen mè spoeëd

Bliede mien ollerbeste wèènsjchn

Met e warmn groeët

Lieëvn Peeter,

Oe meeër da j' mien gift

Oe beeter

Gif je mien e sent

'k zien ik nie kotent

Gif je mien e kluute

'k smietn ze deur de ruute

Gif je mien e dikn

'k smietn 't deur de krikn

Gif je mien e kartsje

'k smietn 't deur 't partsje

Gif je mien e frang

'k legn 't in 't platte van mien and

't Nieëwe en 't oede

E poar aansjchoeënn voe de koede

En e paruuke met oar

Voer e zaalieg nieëwejoar.

De latste daagn van 't joar

Dat is lik 't stertsje van e zwien.

't Is e kort endiege

Da geeëlegaansn van achter komt

't Krult omdat 't em jeunt.

De klokn luudn 't nieëwe joar in

En 't kwam e zwientsje

Met e lange snuut

En 't joartsje is weere uut.

Rooëzn zoender dooërn

Sjchapsjes zoender ooërn

Bliede kansn zoender achtersmet

Doamei vult dit 't joar van joen erte

Eeënzaam drienkn



Met dank aan Jeroen Depraetere